



善徐季芳先生著

說部精華廣
見聞錄

大德堂
梓行

此書為嘉善徐岳季方著所記奇聞異事多涉於鬼神幽怪之類皆就生平耳目所及而間引故書古記以參證之亦述異記睽車志之屬也季方於群書頗能博涉文字雅潔論事亦有斷制楚黃張希良作序稱其淹博尚非過譽惟其人事蹟不可得詳以卷中文字考之大概以諸生參幕職故得編游南北而於湖湘間閩鎮諸人往還尤習書凡四卷記事通一百二十三則其時皆在順康之間紫四庫存自亦載此書云是

大學士英廉探進者書祇一卷同時探者尚有楊式
傳之果報同見錄徐慶之信徵錄錄陳而古之籍
雲樓雜說皆英廉所進余以是証之知所探者該
錄本也及檢該錄核之此書一卷只一百七則又以知
該錄所收乃節本而此本則原刻故分卷既殊文
字漫多有富之別也此帳錄有北平黃氏萬卷樓所
記又有翰林院大官可見此書亦經黃氏琳曾進
入四庫館惟館臣不取黃氏之定本而轉探該錄
之節本則殊不可解耳癸未二月藏園記

企驎軒稿本

序

余嘗讀山海之經齊諧之誌睽車艷異之編杜陽諾
臯之記謂皆文人播弄筆墨作此不經之語發洩胸
中之奇以炫天下後世之耳目爾旣而思之六合大
矣九州廣矣禹跡所至穆駿所遊怪怪奇奇驚耳駭
目者不可悉數又何敢以蜂蟻之踪井窺之見懸揣
其爲信爲妄哉徐子季方稟豪上之姿具淹博之才
不求聞達孤筇芒履遍遊海內溯江渡河東探海岱

大學士英廉探進者書祇一卷同時探者尚有楊式
傳之果報同見錄徐慶之信徵錄錄陳而古之簪
雲樓雜說皆英廉所進余以是証之知所探者該
錄本也及檢該錄校之此書一卷只一百七則又以知
該錄所收乃節本而此本則原刻故分卷既殊文
字漫多有富之別也此惟錄有北平黃氏萬卷樓所
記又有翰林院大官可是此書亦經黃氏琳曾進
入四庫館惟館臣不取黃氏之定本而轉探該錄
之節本則殊不可解耳癸未二月藏園記

企驊軒稿本

序

余嘗讀山海之經齊諧之誌睽車艷異之編杜陽諸
臯之記謂皆文人播弄筆墨作此不經之語發洩胸
中之奇以炫天下後世之耳目爾旣而思之六合大
矣九州廣矣禹跡所至穆駿所遊怪怪奇奇驚耳駭
目者不可悉數又何敢以蜂蟻之踪井窺之見懸揣
其爲信爲妄哉徐子季方稟豪上之姿具淹博之才
不求聞達孤筇芒履遍遊海內溯江渡河東探海岱

西浮沈湘南窮閩粵北盡幽燕宜其以所聞所見之事筆之於書皆非世所恒聞恒見者也夫人之有耳目不第謂其聽風聲而視日月也習見而人之識低習聞而人之量隘譬之語龍鳳則人以爲常談一旦驟遇之必且以爲奇蛇恠鳥而驚異之不知馴擾者直視之如蠅蚋如伏蟻徐子是編皆所不常有而必有者不啻如龍鳳然讀之者當不如奇蛇恠鳥而驚異之乎或曰索隱語怪仲尼所禁宜爲吾儒所不道而不知辯防風之骨識肅慎之矢知商羊之致雨察萍實之味甘又夫子所不諱也是以神異經序曰東方朔記周巡天下所見山海經之所不載列之雖有而不倫者亦列之徐子是編亦東方生之意歟

楚黃同學弟張希良拜題

見聞錄目次

卷一

象鼠



鱒魚

驅妖

奇跡

魯仙

蘇衣僧



異客

曹石霞

枸杞

食量

巨龜

美女彈琴

擡石

倭國

羅道人

泛海

仙笛

仙棋

王淑之

水災

犀玉

飛賊

古玩

假冒

胡將軍

都督府相公

李復佳

借寓婦

丹術

尤女厚

妖狐

屍跡

剖心

瓊枝曼仙

卷二

隱逸

貓

趙弱言

採生拍項

湯聘再生

賣妹妻

啞道人

祈夢

獺怪

宿冤報

長棺小人長髮大爪

畫美人

發墓

金粟

銀走錢飛

壽

瘴氣害人

汗血馬

佛光

採參

向關生

男子孕

債負

么兒王喜子

大物

沆州聶知州李吏目得父

冥蠹

修路

妬婦

卷三

卜者

飛瓊

鳳鳥

算花

鸚鵡

虎異

驟驢

龜

火災

石獅

女賊

長鬚

種牙

天婚

武君仕

許魁

買棺

奇技

富貴

詐騙

入冥

婦力

婉蘭

黃白之法

李半仙

吹笛

兩御史

變異

卷四

撮土避賊

古井

李老者

古劍

鸛

虬髯

子報父讐

浮海

雷擊

輕煙輕雲

宿愛

私錢

孝感

鬼寬

殺降慘殺

友誼

陳玉筍

恤寡

陳直方

揣骨相

孝婦

不娶

滋味

食人

見聞錄 目錄

見聞錄 目錄

七

雷雪

鱒魚嘴水神

誦經

男寵

返生香

嚇詐

化龍

神與解亢文

見聞錄卷一

嘉善徐岳季方氏著

象鼠

余客荊州見省下小報云外國貢象一隻重八斤四兩鼠一個重六十餘斤於某月日經過擡送各衙門觀看夫象爲巨獸鼠屬蟲類今所貢者何大小顛倒乃爾攷之神異經云北方層氷萬里厚百丈下有磈鼠肉重千斤食之可以已熱疾其毛可以爲褥臥之却

寒其皮可以蒙鼓聲聞千里又炎荒廣記南方小象
鬪於松梢枝不爲動餵以松實能知人禍福又宣州
志云晉時宣城下一物大如水牛灰色痺脚脚類象
胸前尾上皆有爪郭璞筮之曰驢鼠又述異記載西
域有鼠國大者如犬中者如兔小者如常頭悉白經
其國若不祀則嚙人衣觀此則鼠象之大小更不同
于所貢者矣

鮓魚

鮓魚雖江鮮實海錯也故其沂大江而上不越安慶
九江然其來必有時故名一日蕪陵副將鮑數十尾
於荆鎮荆鎮鄭公化源邀食味甚美公卽於樽俎間
飭水陸將領謹守要隘嚴修武備未幾而西山賊突
至遠安失遊擊將軍一守備千總各一鄭公嘆曰我
鎮荆十五年三食此魚三見賊至初李自成子李小
兒合賊十七萬圍城七日却走之又小李兒霍搖旗

馬掘子王二王三合諸股賊號四十萬炮火蝟集攻
城日夜不休城無完堵隨剗隨修用計以老其師後
出奇兵大敗之凡四十日而圍解今僅存小李兒一
股乃爲孺子債事孺子者蓋指失事遊擊黃某也黃
某卽黃得功之幼子出防遠安鄭公申飭戒嚴而黃
遊擊適有慶賀連宵讌會賊遂乘機夜襲入帳中始
覺踉蹌格鬪遂被害守備千總入救亦受創而卒若
鄭公者可謂老將知兵矣後數年公歿公子以世爵
協鎮紹興有健兒獻鮓魚二尾頗巨卽烹一尾啖之
明日又烹一尾味不甚佳食箸金鑲處漸漸色黑余
時在坐疑有毒卽不食公子亦不食詰庖人云恐天
熱魚餒置井中別無他食者亦無恙乃知魚腐金銀
亦爲變色不必有毒也本草云蜀人呼鮓魚爲瘟魚
相戒不食夔陵之魚必從川來宜其爲不祥之物也

驅妖

潯陽鄧廷槐家妖爲祟惑其女一日有道士齎符於市告以故曰我能除之結壇書符至夜半聞有戰鬪聲空中擲一蛇頭約十餘斤又聞空中云原有冤愆故得犯之如是再四然自此妖遂絕道人臨行又置一牌令懸中堂數年後牌忽墮地事久相忘爲小兒所毀妖復如前一門盡斃事與陶九成紀陝西某媪相似媪住村庄間凡有道流乞食无吝色一日忽有

道士欵門曰汝家得母爲妖异所累乎曰然卽命取
火焚囊中符篆頃之雷震者數曰妖已誅殛纔遁其
一二十年後汝家當有難留鐵簡授汝至時急投諸
火可免患自是久之嫗之女長而且美有一自稱大
王者騎從甚多借宿嫗家遣左右謂嫗曰曾聞得異
人簡可出示否蓋嫗平日數爲人借觀因造僞者示
人而以眞者懸腰間不置也遂以僞獻王乃留而不
還且謂曰可呼汝女行酒嫗以疾辭大王怒欲爲姦
意嫗因憶道流之言計算歲數及令乃解所佩鐵簡
投火中須臾電掣雷轟煙火滿室少頃平息擊死獮
猴數十其一最鉅疑卽向之逃者所齎隨行器用悉
係金銀寶玉赴告有司籍入官庫惜乎鄧氏所遺之
牌日久懈弛以之玩弄致遭滅門之禍陝西某嫗能
造僞者示人眞者懸腰以得免於難是卽敬與怠之
分也豈空中原有寃愆之語故得復來爲祟而木符
先失耶

奇跡


奇跡之變幻耳目者不少槩見余所歷甚隘而可爲
傳說者有數事焉鄴下察院公署堂名響琴步履其
中則梁上悉應以宮商之音舟行沅江見萬似壁立
雖猿猴不能到而懸崖之上有小舟一隻望之約丈
許山左省城歷山上石壁間有光石三尺許照見城
市如鑑虎丘山塘之南許氏園池中虎丘塢影在焉
雲間城中方塢影在一民家竈鍋中每夜以清水貯

身居金 卷一
鍋日起見影金陵牛首山僧舍闔其門有竅如錢日
色清朗時以白紙承其影見浮圖倒掛佛案上濟南
數百里皆陸地也而趵突泉有三眼其泉仰出水涸
時不過二尺許時有葦蓆竹木汜出金陵人修報恩
寺塔見頂盤中有二鯉長數尺潛其中江右安仁縣
仙巖人不能到仰視巖上有杵臼織機紡車牀具倉
板之類相傳倉板開則歲豐閉則歲歉云信豐縣石
塔九層日中無影影見則落空如此之類多不可解

魯仙

余爲童子時見有魯仙者挽雙髻冬夏皆披棉被數
層足踏芒鞋肩挑竹杖上掛簫管鼓板行則瑟瑟然
時時高叫曰快活快活真快活夜臥必在飛簷殿脊
城堵之上或見其疾行雉堞間如飛鳥時或仰臥女
墻弄篴聲徹雲表凡魯仙經過老幼隨之一日有巨
商邀入園中飲以酒復以一銀盆盛燒酒三四斤魯
仙出其勢垂盆中吸酒有聲啞啞片時而盡漸覺而

有酒色松江太守方岳貢以其跡涉妖妄斃之杖後
有見魯仙乘一小艇在平湖縣之東湖仍荷管籥之
具高叫快活之語聞者雜至或曰已杖死雲間何復
在此人耶鬼耶魯仙遂躍入水中後不復見明初張
臘邊旣化於甘州張指揮園中後屢見他所成祖每
下詔求之不得今西域人貢者猶云三丰爲某台吉
供養現在不死又如江右人云羅狀元尚在廬山此
皆仙跡變幻也彼魯仙者豈其流亞歟然其吸酒之
術近於此加取禍杖下固宜



蘇衣僧

友人施楚望述魯仙同時僧冬夏衣蘇衣因號曰蘇衣僧醉後狂言往往徵驗其尊人笠澤先生嘗飲二人以酒皆大醉東西房就寢魯仙清晨先起取僧蘇衣置金魚缸中水底下以石壓之卽趨而去莫有知者及僧醒徑向水底撈蘇衣披之未始患濕也又云魯仙口啣外腎而腫如鹿臥云

異客

耿箎伯楚黃人恭簡公之孫也言公簡爲宣大總督
箎伯隨任嘗至邊城覓妓侑酒有佳妓先爲一客呼
去箎伯欲以勢奪之客不遣箎伯乃令數十健兒往
辱之客一指數十健兒皆如自縛歸報箎伯大驚遂
親自迎客盤桓累日客又技勇絕人一日箎伯隨竹
馬數十匹忽盡失去意必客之故也向客索之客笑
指壁上日出群皆從壁間躍出箎伯欲招致之恭馬

簡所客飄然去終亦不知其姓氏也

曹石霞

曹石霞名亂昌楚黃才士領己卯解癸未捷南宮父
爲雲州佐卒於官石霞入滇扶櫬抵常德疾作假寓
德山古刹及病愈就道德山和尚元直送別曰居士
筋斗不遠老僧亦隨後來及石霞病卒雲南樞過德
山元直上堂說法次日圓寂先是石霞入滇出順寧
府巷遇四齡童子扳輿大叫曰曹某係我楚闈首卷
門人也石霞挽入密室中耳語言予爲浙江山陰章

格菴投胎此地相候久矣石霞贈詩云幕中堂上換
投胎誰把原封錯用來滿口胡謔雙脚跳至人終是
未曾孩是夕童子歸語其父母云我與曹某共結蓮
胎去矣遂坐化

枸杞

甘枸杞以甘州得名河以西遍地皆產惟涼州鎮番
衛瞭江石所產獨佳瞭江石在邊外數百里爲番彝
住收之地土人往取率數十人結隊晝伏夜竹採不
數掬卽返恐番彝劫掠也道遠而得之難故獨甚貴
乾者大如豆赤如硃卽當事貴人歲得亦僅升合耳
黎媿曾先生爲彼地觀察云僅兩見今服食家以細
小紫色者爲甘枸杞非也予所見真甘枸杞大而赤

見是錄 卷一
三
少子卽如川貝母大如龍眼川附子其進貢者八隻
一斤人多不識然則燕石似玉魚目混珠天下事以
偽亂真大抵然也

食量

范路公以乙未武探花授荆鎮左營遊擊一日清晨
邀食蒸羊其羊約四十餘斤以兩大銅盤盛之又芝
蔴火燒每盤四五十列兩卓余與主人及兩客共上
卓路公中軍守備楊貴亦在主人云楊掌家善食可
獨坐下卓掌家者營中之稱中軍也上席啖肉未及
十之一二火燒每人不三四枚而楊中軍獨坐之羊
肉火燒已盡矣主人云我們且待吃飯上卓羊肉火

見聞錄 卷一
燒并送楊掌家卽撤與又立盡頃之上飯餽饌頗豐
下桌亦然楊啖食無餘客因問楊家食若何楊云每
餐三斤肉三斤麵三升米五斤豆腐佐以葱韭數觔
一日南餐而已楊之身材中下不知何處容受然其
臨敵衝鋒亦在勇敢之列

巨龜

介虫三百六十而龜爲長九江納錫大龜太史藏之
以決國之大疑誠寶之也歲庚戌余將入都於王家
營整頓輿轎間走市上有漁人持一龜長尺許濶五
六寸索價千文余以五百文買之寄藏於主家木櫃
中夜夢一甲冑士謝曰賴公脫我於難公他日得赤
雁使是所以報公也明日啟櫃龜已逸去所夢甲冑
士必龜也而赤雁使不知何指昔錢彥林先生彷彿

園中池水既涸湖石下見一巨龜足踏四小龜而行見者以爲恠擊殺之有患痔瘡者謂龜肉可以療痔食之卽死又表兄陸子勤家獲龜如箬笠大置之庭中少頃大小龜千百至驅之不絕是晚大龜遂遯去攷之尔雅云龜有十種又因所產之地有山澤水火四種之分其大至一尺已上者在水曰寶龜亦曰蔡龜在山曰靈龜皆國之守寶未能變化者也年至百千則具五色或大或小變化無常在水曰神龜在山曰筮龜之聖也予所買與子勤家所獲皆能遯去其歲久可知

美女彈琴

琴客楊汝和者蜀人也挾絲桐遊公卿間聞其有美女彈琴術一貴人欲試之楊請齋三日掃室垂簾外設一几於東南角內設一几於西北隅兩几各焚香橫琴於上汝和于東南几上撫琴一再彈而西北隅儼然有靜女臨几汝和鼓漁樵之曲女亦和之音清調朗令人神往曲終聞隱隱環珮聲視之寂然詢汝和秘不言或云符水致之

擡石

癸卯歲余館于東魯所居前兩傍各一石條作凳厭人來坐欲去之有何長班者慨然曰可去因以細繩兩根僅可作錢串者縛石兩頭用蘆柴爲扛令兩童子輕輕擡去莫不驚異欲令其再擡第二條彼反以先所擡者復擡置原所問何故彼笑云此戲耳非真也乃知剝驢拔井植棗種瓜須臾之間卽得分食者皆戲也若西洋奇器令婦女以一絲一莖挽運千萬

斤重物則非戲也

...



四...



